



Број/Број:01,02,03,03/11-05-1-104/12

Сарајево/Sarajevo; 5.6.2012.

Sastanak Parlamentarnog komiteta Parlamentarne dimenzije CEI:

“Turizam i mobilnost građana kao značajno sredstvo za unapređenje ineterakcije među državama članicama CEI-a. Zakonodavna podrška, ekspertiza, saradnja, izazovi i problemi“

Kijev, 24. i 25. maja 2012.

U Kijevu je 24. i 25. maja 2012. održan sastanak Parlamentarnog komiteta Parlamentarne dimenzije Centralnoevropske inicijative. Na sastanku su učestvovali Zvonko Jurišić, poslanik u Predstavničkom domu PSBiH i član Delegacije PSBiH u Parlamentarnoj dimenziji CEI, i Senaida Bešlagić, sekretar Delegacije.

Sastanak CEI-a otvorio je Volodymyr Lytvyn, predsjedavajući Parlament Ukrajine. U svom govoru istakao je kako je CEI za Ukrajinu važan instrument za integraciju u evropski ekonomski politički i humanitarni prostor kao efikasan instrument za održavanje stabilnosti u regionu i razvoj plodnih odnosa između država članica Inicijative.

Volodymyr Lytvyn naglasio je da skoro milijardu turista putuje po svijetu a profit od turizma je blizu bilion dolara godišnje. Istakao je da je Ukrajina strateški partner na turističkom tržištu regiona CEI-a , a 32% ukrajinskih turista dolazi u zemlje CEI-e.

Volodymyr Lytvyn napomenuo je da će CEI postati efikasna platforma za razmjenu iskustava, uspješno provođenje zajedničkih projekata i održiv razvoj turizma u regionu na osnovu realizacije naučno utemeljenih metoda racionalnog i efikasnog korištenja resursa turizma u zemljama članicama CEI-a.

Predsjednik Ukrajine Viktor Janukovič poslao je pismo dobrodošlice u ukrajinski glavni grad na događaj u organizaciji Parlamenta Ukrajine u okviru predsjedavanja Ukrajine CEI-em. U pismu je naglašeno kako je Ukrajina dobila časnu dužnost da predsjedava CEI-em i istakao kako je Inicijativa važna za Ukrajinu u kontekstu ostvarenja njihovih težnjih ka eurointegracijama.

Pored domaćina, u raspravi je učestvovalo 13 zemalja prisutnih na zasjedanju u Kijevu.

Zvonko Jurišić je u svom govoru istakao kako je turizam fenomen koji je poprimio globalne razmjere u 20 stoljeću i kako većina zemalja u svijetu u većem ili manjem obimu razvija turizam s ciljem njegovog omasovljavanja.

Istakao je kako turizam po svojim ekonomskim, sociološkim, psihološkim, političkim i drugim konotacijama kao fenomen, prema mnogim stručnim mišljenjima, nema pandana u nekoj drugoj pojavi ili fenomenu u savremenom svijetu. Isto tako, rekao je kako mnogi stručnjaci smatraju da će turistička industrija za nekoliko decenija biti rame uz rame s naftnom i automobilskom industrijom. Stalno rastuća konkurencija u turističkoj industriji prisiljava turističke destinacije da razvijaju efektivan plan i strategiju marketinga.

U svom govoru gospodin Jurišić kazao je kako su mnogi anketirani Bosnu i Hercegovinu nazvali magičnim kutkom Evrope, zemljom susreta istoka i zapada.

Naime, u Bosni i Hercegovini se, pored toga što ima hiljadugodišnju tradiciju, mogu susresti veličanstvena djela iz različitih doba kao i arhitektura, počev od rimskih mostova, stećaka, tragova orijentalnog i austrougarskog stila, pa do današnjih najsavremenijih zdanja. Kulturna baština BiH veoma je bogata.

U kratkom rezimeu Jurišić je rekao da je BiH, pored nedostataka kojih je mnogo manje u odnosu na pozitivne karakteristike izgradnje imidža koji su duboko izraženi, ipak ima neku pozitivnu sliku i vjerovatno će u nekom doglednom vremenu ta slika biti bolja. U posljednje vrijeme doista se mnogo radi na ulaganju napora da se negativnosti uklone. Odlučujući faktor u razvoju turizma, kao jedne velike industrije u BiH, jeste malo više pažnje pokloniti ljubavi prema našoj zemlji, jer je zaista moguće da ona postane svjetski poznata i atraktivna turistička destinacija.

Izveštaj uradila:

Senaida Bešlagić

Izveštaj odobrio:

Zvonko Jurišić